

«մեծ ազգերը» — մեծ՝ թուով միայն — այդ «լուսաւոր եւ ամենայառաջագոյն ժողովուրդները» Եւրոպայի ու Ամերիկայի, նրանցից սպասելով իրենց ազատութիւնը: Եւ այսօր, շատ ցնորքների հետ միասին, ահա այդ ցնորքն եւս սխալուած է. այն ցնորքը, որ ազգային-մշակութային ինքնավարութիւնը եւս այդ ազգերի յաղթանակի հետ է կապուած եղել: Ազգեր, որոնք այդ ինքնավարութեան գոյութիւնն անդամ չեն ճանաչում իրենց փոքրամասնութեանց համար: Ու՛ր փոքրիկ էսթոնիան է այսօր ռազմիրան այդ հարցում:

III

Դառնանք Խորհրդային եւ մասնաւորապէս անդրկովկասեան իրականութեան: Յատկապէս նկատի առնենք հայ փոքրամասնութեանց մշակութային ինքնավարութեան խնդիրը:

Թուական դրութիւնը ծանօթ է մեզ: Գիտենք նաեւ, որ Անդրկովկասի ամէն մի հանրապետութիւն, ինչպէս նաեւ ինքնավար շրջան, «պետական» ազգի մշակութային ինքնավարութիւն իրականացնում է ի թիւս միւս գործառնութեանց: Իսկ ո՞րն է, կա՞յ արդեօք մշակութային ինքնավարութիւն, ազգային փոքրամասնութեանց համար:

Սորհրդային Մոսկուան ի լուր աշխարհի տարածում է, թէ հիմքից լուծել է ազգային հարցը: Ո՞րչափ է դա համապատասխանում իրականութեան:

Նախ՝ ինչպէս բոլշեւիկները, այնպէս նաեւ ուրիշ շատերը մոռանում են նման պընդումներ անելիս, որ նրանք իշխանութիւնը չեն խլել ցարիզմից, այլ՝ ժամանակաւոր յեղափոխական կառավարութիւնից, որ՝ Սորհրդային վարչաձեւը չի եկել ու փոխարինել ցարականը, այլ՝ ղեմոկրատականը: Իսկ վերջինս իր գոյութեան սկզբից իսկ Ռուսաստանի բաղադրիչ երկրամասերի ինքնավարութիւնը ճանաչել եւ ընդունել է:

Բոլշեւիկների ձեռքով գրուած Սահմանադիր Ժողովը յայտնի է, Ռուսաստանը հռչակեց դաշնակցային (Ֆեդերատիւ) պետութիւն: Ասել է՝ բոլշեւիկմը տապալեց ոչ թէ ցարիզմը, այլ տեմոկրատիզմը, ղեմոկրատիկ-

դաշնակցային կարգի տեղ ի կեանս կոչելով խորհրդային — դաշնակցային կարգ: Զխօսենք վերջինիս էութեան, մէկի կամ միւսի առաւելութեան մասին, այլ հաստատունք փաստը միայն, որ շատ յաճախ է մոռացւում եւ ստացւում: Լաւագոյն դէպքում, ուրեմն, ինչ «ազգային հարցի լուծման» է վերաբերում (Ռուսիոյ սահմաններում), ուսս բոլշեւիկները քայլել են իրենց նախորդ ընկերավարական-ժողովրդավար կառավարութեան հետքով միայն:

Եւ յետոյ մոռնալու չէ մի կարեւոր պարագայ, ինչ յատկապէս Անդրկովկասին եւ Հայաստանին է վերաբերում: Բոլշեւիկմը այդտեղ յաջորդն է ոչ թէ միապետական-ցարական կարգի, ոչ իսկ Ռուսիոյ դաշնակցային (Ֆեդերատիւ) երկրամասերի, այլ՝ անկախացած, ինքնուրոյնացած երկրամասերի: Ազգային անկախութիւնն եւ ինքնուրոյնութիւնն է ահա, որ Անդրկովկասում եւ Հայաստանում փոխարինուել է Սորհրդային դաշնակցային դրութեամբ:

Բայց այդ եւս մի կողմը թողնենք: Ընդունինք մի բոլշեւիկ, թէ, օրինակ, այսօրուան Հայաստանը այն է, ինչ որ ազգը ուզում է, թէ՛ մինչեւ իսկ սահմանների ընդարձակման խնդիր չկայ մէջտեղ: Բայց չէ՞ որ 600 հազարից ատելի հայութիւն է մնում մեր երկրից դուրս: Հապա նրա ազգային մշակութային ինքնավարութեան խնդիրը:

Հայ ընթերցողները զիտեն, օրինակ, որ Հայաստանի թուրքերը, ռուսները եւ այլ ունին իրենց դպրոցները (մայրենի լեզուով), որ՝ նրանց ծախքերը դրուում են Հայաստանի պետական դանձարանից: Շատ լաւ:

Մօտաւորապէս նոյն ձեւով են պահւում նաեւ Վրաստանի եւ Ատրէշանի ազգային փոքրամասնութեանց դպրոցները: Մօտաւորապէս ենք ասում, որովհետեւ վերջիններս դրութիւնը այդտեղ աւելի աննպաստ է, քան Հայաստանում: Մանաւանդ խոշոր կենդրոններում — Թիֆլիս եւ Բագու: Հարկաւ այդտեղ կան ազգային դպրոցներ՝ հայերի, ռուսների եւ ուրիշ փոքրամասնութեանց համար: Բայց նախ՝ ոչ բոլոր հայ երեխաները յաճախում են, օրինակ Թիֆլիսում, հայկական դպրոցներ: